



შუახევის მუნიციპალიტეტი

საპროექტო –სახარჯთაღრიცხვო დოკუმენტაციის შედგენის
მომსახურების შესყიდვის გამარტივებული ელექტრონული
ტენდერის

სატენდერო დოკუმენტაცია

(CPV 71200000)

დაბა შუახევი, თამარ მეფის ქ. #30

2015წ

ს ა რ ჩ ე ვ ი

1. ინფორმაცია ტენდერში მონაწილეთათვის.
2. ტექნიკური მოთხოვნები.
3. სხვა მოთხოვნები.
4. დამატებითი ინფორმაცია.
5. სახელმწიფო შესყიდვების შესახებ ხელშეკრულების პროექტი.
6. რეკვიზიტები - დანართი #1.
7. გასაწევი მომსახურების ფასების ცხრილი-დანართი #2.

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრედენდენტს არა აქვს უფლება წარმოადგინოს ალტერნატიული სატენდერო წინადადება.

2. ტექნიკური მოთხოვნები:

2.1 ტექნიკური დავალება

1. კლდისუბნის ხიდის მოწყობა და მისასვლელი გზის რეაბილიტაცია.

2.2 დოკუმენტაციის შემადგენლობა

1. საპროექტო დოკუმენტაცია დამუშავდეს „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებით გათვალისწინებული შესაბამის კლასს განკუთვნილი ობიექტებისათვის საჭირო სამშენებლო დოკუმენტის პროექტის შემედგენლობით.

- განმარტებითი ბარათი.
- არქიტექტურული ნაწილი
- კონსტრუქციული ნაწილი
- სან. ტექნიკური ნაწილი
- ელ. ტექნიკური ნაწილი
- აჭარის არ ადგილობრივი მნიშვნელობის მშენებლობის რეგულირების საბჭოში წარსადგენი

დოკუმენტაცია

2. ხარჯთაღრიცხვა;

- განისაზღვროს სამშენებლო და სარემონტო სამუშაოების მოცულობები და შედგეს სათანადო დეფექტური აქტები.
- ხარჯთაღრიცხვა დამუშავდეს ლოკალურ-რესურსული მეთოდით და სახარჯთაღრიცხვო ღირებულების განსაზღვრა მოხდეს 2015 წლის II კვარტლის დონეზე ფიქსირებული სამშენებლო რესურსების ფასებში სახარჯთაღრიცხვო ნორმების საფუძველზე.
- ტრანსპორტირების ხარჯები განისაზღვროს ძირითადი სამშენებლო მასალების ზიდვის მანძილის მიხედვით.
- ზედნადები ხარჯები-10%
- სახარჯთაღრიცხვო მოგება-8%
- დღგ-18%

3. მ.ო.პ

- მშენებლობის ორგანიზაციის პროექტი, სამუშაოთა წარმოების კალენდარული გრაფიკით.
შ ე ნ ი შ ვ ა ;
- ობიექტების საპროექტო-სახარჯთაღრიცხვო დოკუმენტაცია შესრულებული იქნას დანართი №1-ის მიხედვით.
- საპროექტო-სახარჯთაღრიცხვო დოკუმენტაცია დამუშავდეს 5 (ხუთი) ეგზემპლარად და დაერთოს ელექტრონული ვერსია.

2.3. საპროექტო ორგანიზაციის დავალება

კლდისუბნის ხიდის მოწყობა და მისასვლელი გზის რეაბილიტაცია.

საპროექტო დავალება მიზნად ისახავს საპროექტო-სახარჯთაღრიცხვო დოკუმენტაციის პაკეტის მომზადებას, რომელიც საშუალებას მისცემს კონტრაქტორს მოამზადოს რეალისტური სატენდერო წინადადება, მიაღწიოს სამუშაოების შესრულების კარგ ხარისხს, მისი საფუძვლიანი კონტროლით და უზრუნველყოს შემდგომში ხარისხის გარანტირებისა და კონტრაქტის მართვის სათანადო მექანიზმით.

საპროექტო (ორგანიზაცია) კომპანია გაანალიზებს და დაადგენს ძირითად პრობლემებს, რომელთა გადაჭრასაც უნდა ითვალისწინებდეს პროექტი. საპროექტო ორგანიზაცია პასუხისმგებელი იქნება ნაგებობის საჭირო ფიზიკური პარამეტრების საიმედოობაზე. ყველა საპროექტო სამუშაო უნდა შესრულდეს მდგრადობის და ეკონომიური განვითარების პრინციპებით. დოკუმენტაციის წარმოდგენასთან დაკავშირებული საჭირო დეტალები უნდა შეესაბამებოდეს საქართველოში არსებულ სტანდარტებს („სნიპები“ , „გოსტები“ და ნორმები).

ტექნიკური სპეციფიკაციები, როგორც ხარისხის კონტროლის საშუალება უნდა მოიცავდეს სამუშაოების განხორციელების ინსტრუქციებს და პირობებს, პროექტისა და სამშენებლო ობიექტების სპეციფიკურ პირობებს და ასაშენებელი ან შესასყიდი საქონლის მუშა-ხელის, მასალების და განხორციელების საჭირო სტანდარტებს. საქართველოს არსებული სტანდარტული ტექნიკური

სპეციფიკაციები და ხარისხის კონტროლის მეთოდები უნდა მაქსიმალურად იქნეს გამოყენებული. „სნიპების“ „გოსტების“ და „ნორმების“ სია, რაც ტექნიკური სპეციფიკაციების განუყოფელ ნაწილს წარმოადგენს უნდა თანდართულ იქნეს.

საპროექტო ორგანიზაცია მშენებლობის დროს პროექტში ან ნახაზებში შეცდომების ან ხარვეზების აღმოჩენის შემთხვევაში ვალდებულია საკუთარი ხარჯით შეცვალოს პროექტი ან ნახაზები.

საჭირო დამატებითი ინფორმაცია

კლდისუბნის ხიდის მოწყობა და მისასვლელი გზის რეაბილიტაცია

ა) დავალება მოიცავს არსებულ

ამორტიზირებული ხიდის დემონტაჟს,

რომლის საორიენტაციო სიგრძეა 60-

მეტრი, სიფართე 2,4-მეტრი.

ბ) ლითონის კონსტრუქციით ხიდის მოწყობა.

გ) ხიდზე ლითონის ფურცლის დაგება (60,0x4,50).

ვ) რკ/ბეტონის ხიმინჯების მოწყობა.

ზ) დამატებით რკ/ბეტონის კედლის მოწყობა.

თ) არსებული გზის რეაბილიტაცია-120-125 მეტრი

შ ე ნ ი შ ვ ნ ა;

საპროექტო -სახარჯთაღრიცხვო დოკუმენტაცია დამუშავდეს 5 (ხუთი) ეგზემპლარად და დაერთოს ელექტრონული ვერსია.

- პროექტირების ვადა თვე.

ზოგადი განსაზღვრებები

საპროექტო დოკუმენტაციის შედგენისას გათვალისწინებული იქნას ახალი ტექნოლოგიებისა და მოწყობილობების გამოყენება, ობიექტის ადგილმდებარეობის დამახასიათებელი კლიმატური პირობები.

საპროექტო-სახარჯთაღრიცხვო დოკუმენტაცია შეესაბამებოდესნა „ მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებას, ასევე „ საქართველოს მიერ სხვა ქვეყნების ტექნიკური რეგლამენტების აღიარებისა და მოქმედების წესის შესახებ“ საქართველოს მთავრობის 2006 წლის 24 თებერვლის № 45 დადგენილებას და „ საქართველოს ტერიტორიაზე ზედამხედველობისა და სამშენებლო სფეროში 1992 წლამდე მოქმედი ნორმების, წესების და ტექნიკური რეგულირების სხვა დოკუმენტების გამოყენების შესახებ“ საქართველოს ეკონომიკისა და მდგრადი განვითარების მინისტრის 2010 წლის 18 თებერვლის №1-1/251 ბრძანებით განსაზღვრულ პირობებს.

საპროექტო-სახარჯთაღრიცხვო დოკუმენტაციის 5 ეგზემპლარი უნდა წარედგინოს შემსყიდველს თავისი ელექტრონული ვერსიით. ელექტრონული ვერსია უნდა მოიცავდეს სრულ პროექტს კომპაქტდისკზე, ჩაწერილს ArchiCad ან corel drav X4 პროგრამის ციფრული (ელექტრონული) ვერსიის სახით და ხარჯთაღრიცხვას ჩაწერილს Microsoft office Excel პროგრამის ციფრულ (ელექტრონული) ვერსიის სახით. ასევე სრულ პროექტს ჩაწერილს Adobe Acrobat პროგრამის PDF ფორმატში, ერთი ფაილის მოცულობა არაუმეტეს 8 მგბ-ისა.

საჭირო შემთხვევებში შემსყიდველი იტოვებს უფლებას შეიტანოს ცვლილებები საპროექტო დავალებაში (გაზარდოს ან შეამციროს მომსახურების მოცულობა) . საპროექტო დავალებით გაუთვალისწინებელი სამუშაოების დაპროექტების საკითხი ზეპირი ან წერილობითი სახით შეთანხმდეს შემსყიდველთან.

3. სხვა მოთხოვნები:

3.1. მიწოდების პირობები და ვადები:

3.1.1. მომსახურების გაწევა უნდა განხორციელდეს მოცემული გრაფიკის შესაბამისად, ხელშეკრულების გაფორმებიდან 20 დღეში.

3.2 ინფორმაცია პრეტენდენტის გამოცდილების შესახებ:

ა) ტენდერში მონაწილე პრეტენდენტს 2012 წლის 01 იანვრიდან 2015 წლის 1 მაისის ჩათვლით შესრულებული უნდა ჰქონდეს ტენდერით გათვალისწინებული ანალოგიური ხასიათის, სირთულისა და შინაარსის სამუშაოები საერთო ღირებულებით არანაკლებ 30 000(ოცდაათი ათასი) ლარის ოდენობით;

ბ) ინფორმაცია წარმოდგენილი უნდა იქნას დანართი №3-ის შესაბამისად.

გ) პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულისა და შინაარსის სამუშაოს შესრულების დამადასტურებელი დოკუმენტების ასლები (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა №2 ან/და სხვა დამადასტურებელი დოკუმენტი (გადახდის სერთიფიკატი, ანგარიშგაქტურა)).

3.3 სატენდერო წინადადების ფასი: 3500 (სამი ათას ხუთასი)ლარი.

3.3.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.3.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

3.3.3. გამომდინარე იქიდან, რომ სატენდერო წინადადება წარმოდგენილი უნდა იქნას დღგ-ს გათვალისწინებით, იმ შემთხვევაში, თუ პრეტენდენტი არ იქნება დღგ-ს გადამხდელი, ანგარიშსწორებისას გადასახდელი თანხა შემცირდება დღგ-ს თანხის ოდენობით.

3.4 ანგარიშსწორების პირობები:

3.4.1 ანგარიშსწორება მოხდება უნაღდო ანგარიშსწორებით ლარში.

3.4.2 ანგარიშსწორება მოხდება 2015 წლის ბიუჯეტის სახსრებით, მომსახურების მიღება-ჩაბარების აქტის გაფორმებიდან არაუგვიანეს 15 კალენდარული დღის განმავლობაში.

3.4.3 წინასწარი ანგარიშსწორება (ავანსი) არ გამოიყენება.

3.5 პრეტენდენტის მიერ ერთიან ელექტრონულ სისტემაში ასატვირთი მონაცემები:

3.5.1 რეკვიზიტები დანართი #1-ის მიხედვით;

3.5.2 ფასების ცხრილი დანართი #2-ის მიხედვით.

შენიშვნა სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამისი უფლებამოსილების დამადასტურებელი დოკუმენტის თანდართვით.

4. დამატებითი ინფორმაცია:

4.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

4.2 სუბკონტრაქტორი არ გამოიყენება.

4.3 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. მისამართი: დაბა შუახევი, თამარ მეფის ქ. №30; საკონტაქტო პირი: ომარ აბუსელიძე. ტელ: 599 85 20 19;

შენიშვნა: კომისიის მიერ პრეტენდენტისათვის ნებისმიერი ინფორმაციის მიწოდება ხდება პრეტენდენტის მიერ რეკვიზიტებში მითითებულ ელ. ფოსტაზე, დასკანერებულის სახით. პრეტენდენტის მიერ კომისიიდან ელექტრონული სახით მიღებულ ნებისმიერ შეტყობინებას აქვს წერილობითი ფორმით მიღებული შეტყობინების ძალა; კომისია არ არის პასუხისმგებელი პრეტენდენტის მიერ შეტყობინებების მიუღებლობაზე, თუ კი იგი გაგზავნილი იქნა იმ ელექტრონულ მისამართზე, რომელიც პრეტენდენტის მიერ არის მითითებული რეკვიზიტებში;

5. სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვების შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო -----2015 წ. ერთის მხრივ შუახევის მუნიციპალიტეტი (შემდგომში „შემსყიდველი“) და მეორეს მხრივ ----- (შემდგომში „მიმწოდებელი“) (მიმწოდებლის დასახელება და რეკვიზიტები) შორის. იმის გათვალისწინებით, რომ შემსყიდველმა ჩაატარა ტენდერი **საპროექტო-სახარჯთაღრიცხვო დოკუმენტაციის** შედგენის მომსახურების შესყიდვის ობიექტის მოკლე აღწერა შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს მომსახურებას

ხელშეკრულების ფარგლებში.

1.6. „მომსახურება“ წინამდებარე ხელშეკრულების მე-2 მუხლით გათვალისწინებული ხელშეკრულების საგანი

2. გასაწევი მომსახურების ობიექტი და კლასიფიკატორის კოდი

2.1 ხელშეკრულების შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დოკუმენტაციის 2.1 პუნქტში მოცემული ტექნიკური პირობების შესაბამისად, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2.2 კლასიფიკატორის კოდი: **71200000**

3. ხელშეკრულების ღირებულება

3.1. ხელშეკრულების ღირებულებაა — ლარი.

3.2. ხელშეკრულების ღირებულება მოიცავს როგორც გასაწევი მომსახურების ღირებულებას ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების დასრულება ხელშეკრულების ძალაში შესვლის დღიდან **ხელშეკრულების გაფორმებიდან 20 (ოცი) დღეში**. მიაწოდოს საპროექტო-სახარჯთაღრიცხვო დოკუმენტაცია **შემსყიდველს 5 ეგზემპლარად და C დისკით. დაბა შუახევი, თამარ მეფის ქ. №30**

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. მომსახურების ხარისხი

5.1. ხელშეკრულებით გათვალისწინებული მომსახურების ხარისხი უნდა შეესაბამებოდეს დადგენილ სტანდარტებს.

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2. ინსპექტირებას განხორციელებს **შუახვევი მუნიციპალიტეტის მიერ შექმნილი კომისია.**

6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით გაწეული მომსახურება, მიმწოდებელი ვალდებულია წერილობითი შეტყობინებიდან 5 (ხუთი) დღეში გამოასწოროს წუნი ან, თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული

6.4. თუ ამ მუხლის 6.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

6.5. მიმწოდებელი ვალდებულია საკუთარი რესურსებით უზრუნველყოს

შემსყიდველი კონტროლის (ინსპექტირების) ჩატარებისათვის აუცილებელი პერსონალით. ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

7. მომსახურების მიღება-ჩაბარების წესი

7.1. მომსახურების მიღება წარმოებს მიღება-ჩაბარების აქტის სახით. მიღება ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით და ინსპექტირების განმახორციელებელი პირის/პირების დადებითი დასკვნის საფუძველზე.

7.2. მომსახურების მიღებას აწარმოებს **შუახვევი მუნიციპალიტეტის მიერ შექმნილი კომისია.**

8. ანგარიშწორება

8.1. ანგარიშწორება განხორციელდება შემდეგი პირობებით;

ა) ანგარიშწორების ვალუტა ლარი;ბ) ანგარიშწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და საგადახდო დოკუმენტის წარმოდგენიდან 15 (თხუთმეტი) კალენდარული დღის განმავლობაში, თუკი ანგარიშწორების განხორციელების ვადის ბოლო დღე ემთხვევა არასამუშაო დღეს, ანგარიშწორება განხორციელდება მომდევნო სამუშაო დღეს.

8.3. ანგარიშწორებისას დღგ-ს არ გადამხდელზე გადასახდელი თანხა შემცირდება დღგ-ს თანხის ოდენობით.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება. ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი)

უფლებამოსილია ჩაატაროს ხარისხის კონტროლი და თუ აღმოჩნდება წუნით გაწეული მომსახურება, მიმწოდებელი ვალდებულია წერილობითი შეტყობინებიდან 5 (ხუთი) დღეში გამოასწოროს წუნი ან, თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

9.4. თუ ამ მუხლის 6.3. პუნქტით გათვალისწინებული წუნის გამოსწორების ვადა

სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

9.5. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის

(ინსპექტირების) ჩატარებისათვის აუცილებელი პერსონალით. ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1. პუნქტის „ა“ ქვეპუნქტით გათვალისწინებული მომსახურების გაწევის ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადიცილებულ დღეზე ხელშეკრულების ღირებულების 0.2 % ოდენობით.

10.2. წინამდებარე ხელშეკრულების 6.3. პუნქტით გათვალისწინებული პირობების დარღვევის შემთხვევაში ყოველ ვადაგადიცილებულ დღეზე მიმწოდებელს ეკისრება პირგასამტეხლო წუნდებული მომსახურების ღირებულების 0.2 % ოდენობით.

10.3. იმ შემთხვევაში თუ მიმწოდებელზე დაკისრებული პირგასამტეხლოს ჯამური თანხა გადააჭრებს ხელშეკრულების ღირებულების 3 (სამ) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.1. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს

13 ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა : **ხელშეკრულების გაფორმებიდან 20 დღე**

14.1. წინამდებარე ხელშეკრულება ძალაშია _____ ჩათვლით.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა. 15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სხვა პირობები

16.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი შემსყიდველს.

„შემსყიდველი“

„მიმწოდებელი“

(ხელმოწერა)

(ხელმოწერა)

6. რეკვიზიტები:

1. პრეტენდენტის დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

პრეტენდენტის ხელმოწერა _____

7. გასაწევი მომსახურების ფასების ცხრილი

პრეტენდენტის დასახელება -----

№	შესყიდვის ობიექტის დასახელება	ეგზემპლარი	საერთო ფასი (ყველა გადასახადების გათვალისწინებით) ლარებში	მიწოდების ვადა	მიწოდების ადგილი
1					
	ჯამი				
	დღგ 18%				
	სულ ჯამი				

პრეტენდენტის ხელმოწერა _____